

分部本草用

三



分部本草妙用卷之五

古吳友七散人顧逢伯君升父纂

腎部

溫補

肉蓯蓉

甘微溫無毒 酒浸去中心絲甑蒸酥炙用

主治勞傷除莖中寒熱痛強陰壯陽多子婦人癥

瘕血崩男子痿陽遺瀝腰寒女子不產帶下陰痛



按從蓉峻補精血。陽事不興者。補之立效。丹溪以驟用滑腸。好古以治腎妨心。合藥配合得宜。陰陽交制。庶可用之。

已戟天

辛甘微溫無毒 覆盆子爲使。惡雷丸。丹參酒炒

用。

〔主治〕大風邪氣。陰痿。強筋骨。療頭面遊風。小腹陰中痛。治男子夜夢鬼交。洩精益氣。助精治脚氣。補血海。療水脹。

按巴戟天。腎經血分藥也。病人虛損。加而用之。宗
奭以之治。好酒者患脚氣。用巴戟半兩。糯米同炒。
米微轉色。去米不用。大黃一兩。炒同爲末。熟蜜丸。
溫水服五七十丸。仍禁酒愈。

遠志

苦溫無毒。去心。甘草湯浸一宿。焙乾用。

〔主治〕利九竅。益智慧。耳目聰明。不忘。強志。倍力。定
心。氣止驚悸。益精安魄。堅壯陽道。腎積奔豚。婦人
血噤失音。男子虛損。夢洩。七情致病。并治一切癰。

疽

按時珍曰遠志非心經藥也。腎經氣分藥也。其功專于強志益精。治善忘。益精與志。腎所藏也。經曰。腎藏精。精合志。腎精虛。則志氣衰。不能上通于心。故迷惑而善忘也。益精則志自長。其功豈淺鮮哉。卽七情內鬱。無論虛實寒熱。服之無不效。以之治死血陰毒。不痛者。傳之卽痛。憂怒攻痛。不可忍。傳之卽止。蘊熱逼人。手者。傳之卽涼。氣虛冷潰。不斂。傳之卽斂。浸酒治癰毒惡喉。更有奇效。○用遠志



法不拘多少米泔浸槌去心爲末每服三錢溫酒調沉少頃飲其清者以滓傳患處

補骨脂

卽破故紙

辛大溫無毒惡甘草忌芸臺及諸血得胡麻胡

桃良浸一日漉出以東流水浸三日蒸乾鹽炒用

主治勞傷骨髓傷敗腎冷精流婦人血氣墮胎男

子腰疼膝冷冷痺下元虛興陽壯陰煖丹田斂精

神

按破故紙屬火收斂神明能使心包之火與命門

火相通。故元陽堅固。骨髓充實。澀以治脫也。須以胡桃去皮同合。潤燥養血。血惡燥。油以潤之。得水火相生之妙。是以青娥丸爲壯陰聖藥。孫思邈言補腎不若補脾。而我以爲補脾不若補腎。腎虛則陽衰。陽衰則不能運化水穀。如釜中之物。無火燒之。則終日不熟。陰長則陽自旺。而脾自健矣。濟生丸用破故紙肉豆蔻二藥兼補。予以爲少加木香。斡旋其中。則奏效尤捷。

骨碎補

苦溫無毒 蜜拌潤蒸熟晒乾用

主治破血止血補傷折骨中毒風血疼手足不收
上熱下冷殺肉虫研末入猪腎空心食治耳鳴腎
虛久洩牙疼

按骨碎補腎經補藥故能入骨治牙入猪腎煨食
止久痢也蜀人以之治閃折筋骨取根搗煮米粥
和裏傷處有殊效予嘗以之治遠行房勞或痿軟
症如神

杜仲

辛溫無毒 惡玄參蛇蛻皮、去皮酥炙、或鹽炒斷

絲用、

主治腰膝痛益精堅筋骨陰溼癢小便餘瀝潤肝

燥補風虛

按古方只用杜仲補腎。好古言肝經氣分藥入肝

補腎。子能令母實也。

金櫻子

酸澀無毒

主治脾洩下痢止小便澀精妙藥久服耐寒輕身



丹溪曰。經絡隧道以通暢爲平和。而味者取澀性
爲快慾。反致生病。何可長生。惟精氣不固者宜之。

冬青子

苦溫無毒

主治補中安五臟養精神除百病久服不老強陰
補腎

按女貞實爲仙家上品。得少陰之精。故冬不落葉。
其爲益腎也明矣。丹方云冬青子酒浸一日夜。布
袋擦去皮。晒乾爲末。待旱蓮草出。多取數石。搗汁

熬濃和丸酒下。

枸杞子

甘平溫無毒 甘州紅潤圓小者佳

主治熱中消渴周痺風溼堅筋骨補勞傷強陰益

精安神明目○根名地骨皮苦甘微寒功與子略

同專退骨蒸勞熱腎肺伏火補益正氣

俗以黃檗知母治下焦陰火致傷元氣枸杞地骨

皮使精氣充而邪氣退勝檗母萬萬素問曰熱淫

于內瀉以甘寒地骨皮是也精不足者補之以味。



枸杞子是也。陶氏云。去家千里。勿食枸杞。言其強

陽之功耳。

陽起石

鹹溫無毒

桑螵蛸爲使。畏兔絲。惡澤瀉。桂。蛇蛻。

雷丸。忌羊肉。有雲頭雨脚。及鷺鷥毛者真。

主治腎絕陰痿。崩中漏下。癥瘕結氣。煖腎強陽。

起陽乃鹹溫之品。鹹歸腎。溫煖腎。故陰痿者宜之。

崩漏癥結。皆腎虛所致。故并治耳。但難得其真。慎

勿誤用。

硫黃

酸熱有毒。入命門經，瑩淨無夾石者佳。甘草湯

煮過用。畏朴硝細辛，忌禽獸血。

主治下焦虛冷，陽絕不起，頭禿疽痔疥癰，心腹疔

癰，脚膝冷痛，洩精虛損。

硫黃爲火之精，宜入命門補火。人之真火在右腎。

火熄則萬物無父而不生。非硫黃其孰補之。太清

云：硫稟純陽，號爲將軍。破邪歸正，返濁還清，挺立

陽精，消陰化魄。戴元禮云：熱藥皆燥，獨硫不燥。今

人不用。畏其熱耳。倘火衰之症。亦棄之乎。中其毒者。以猪肉鴨羹與甘草湯解之。

虎骨

辛微熱無毒

〔主治〕辟邪殺鬼。疰毒筋骨風溼拘攣。不得屈伸。走注疼痛。傷寒溫氣溫瘧。殺犬吠毒煎湯浴。去骨節風毒腫。初生小兒長大無驚癇症。○頭骨作枕。絕惡夢魘。置戶上辟鬼。

夫風從虎。則木爲金制。明矣。所以治風病及走注。

骨節癲狂驚癇諸症而脛骨尤捷健筋骨壯腰膝
追風定痛之要藥。史國公浸酒方用之。○虎魄治
癲痰驚癇如神。懸戶上令生男。

鹿茸

甘鹹溫無毒 酥炙酒蒸炒研各隨本方製用畏
大黃杜仲爲使、

主治漏下惡血驚癇益氣強志生齒虛勞腰脊痛
便數洩精溺血安胎殺鬼生精補髓養血益陽強
筋健骨

按鹿角生用則散熱行血消腫辟邪。熟用則益腎補虛強精活血。鍊霜熬膏則專于滋補矣。然鹿性淫而不衰其性熱一味助陽固精補腎莫敵。同以龜板則陰陽和而水火濟神妙莫測矣。○肉補中益氣血治肺痿崩帶氣痛欲死者飲之立愈。大補虛益精解痘毒藥毒砒毒。

又按鹿茸角補陽石腎精氣不足者宜麋之茸角。補陰左腎血液不足者宜之。此千古之奇秘而莫發者。乃知麋茸角功勝于鹿也。用者辨之。

紫河車

甘鹹溫無毒

主治血氣羸瘦婦人勞損面黧皮黑有諸病日漸
瘦者五味和之與食○治男女一切虛損安心養
血益氣補精

紫河車治虛勞佐以骨蒸之藥氣虛加補氣藥血
虛加補血藥以側柏葉烏藥葉俱酒洒九蒸九晒
同之爲末大能補益名補腎丸然性熱而不無胎
毒久服令人發毒製之要得其宜首胎男孕者佳

